



Mas-chalch

Fögl d'infurmaziun official dal cumün da Scuol

Infurmaziuns da la suprastanza cumünala

Reglamaint davart las contribuziuns per la cultura e las societats, revisiun parziala

Il reglamaint es gnü introdüt al principi dal 2017. Üna prüma revisiun parziala es entrada in vigur als 1. schner 2019. Uossa ha decis la suprastanza cumünala duos ulteriurs müdamaints:

Art. 6 alinea 1

Societats chi realiseschan 4 o 5 arrandschamaints l'on pon dumandar – sper la contribuziun pauschala – üna contribuziun unica da 500 francs per minchün da quels duos arrandschamaints. A partir dal Gavel arrandschamaint l'on pon dumandar las societats üna contribuziun unica da 300 francs per arrandschamaint.

Fin uossa d'eira pussibel da dumandar üna contribuziun da 500 francs per tuot ils arrandschamaints a partir dal quart arrandschamaint.

Art. 7 nouva alinea 2

Las societats chi fan adöver per lur trenamaints d'implants cumünals cun cuosts da mantegnimaint plü ots (p. ex. Trü, Quadras e.u.i.) han da pajar üna taxa, quai per cuvernar üna part da quists cuosts. Il cumün fa cunvegns specialas cullas societats respectivas.

Fin uossa d'eira gratuit l'adöver da tuot las localitats cumünalas.

Il reglamaint adattà aintra in vigur als 1. schner 2020. El as rechatta sülla pagina d'internet www.scuol.net (fanestrigl electronic) e po gnir retrat in chasa cumünala.

Chanzlia cumünala

Giubileums da lavur 2019

Il cumün da Scuol po gratular als 13 december 2019, in occasiun da la tschainta tradiziunala dal personal, a las seguaintas personas pel giubileum da lavur.

30 ons

Antonio Coutinho Da Silva, gruppa da mantegnimaint
Otto Fontana, gruppa da mantegnimaint

20 ons

Flurin Nuotclà, gestiun forestala

Cumischiun da termaziun

La suprastanza ha institui – in connexuls adressamaints dals edifizis – üna cumischiun da termaziun ed elet las seguaintas personas: Reto Barbüda, Robert Köhle e Paul Solèr.

Surdattas da lavur / furniziuns

Tags da laina e cultivaziun 2019

Se5 Schombra
Svolour oura la laina: Swiss Helicopter AG

Meglieraziun da las structurass

Stüdi da planisaziun:
Kindschi indschegners e geometers SA, Scuol

Stab directiv cumünal (stab da crisa)

Analisa da privel per tuot il territori cumünal:
Caprez Ingenieure AG, Silvaplana

Rimplazzamaint d'ün veicul forestal

Suzuki Jimny:
Garascha Andrea Fratschöl, Scuol

Sarinera Sot Ruinas, Scuol

Lavurs da coordinaziun:
Canclini + Partner Scrl, Scuol

Senda dal Pader, Scuol

Rinforz da la fundamainta
Lavurs d'impressari:
Bezzola Denoth AG, Scuol

10 ons

Gian Reto Demonti, sarinera
Raffaella Lombardo Calio, nettiadra
Jon Andri Schmidt, gruppa da mantegnimaint
Rudolf Unterthurner, gestiun forestala

Il cumün ingrazcha a la giubilara ed als giubilar per lur fidelità e tils giavüscha tuot il bun per l'avegnir in lur vita professiunala.

Promoziun d'economia

Schlitras d'occasiun per la senda Alp Murtera Dadoura

Il cumün ha realisà l'inviern passà – insembel cun Guarda ed Ardez Turissem – üna nouva via per schlitras da l'Alp Murtera ad Ardez. Impustüt la pussibilità da tour ad impraist las schlitras pro'l deposit süll'alp d'eira fich dumandada. Perquai ha decis la gruppa da lavur «Via da Schlitras Alp Murtera Dadoura» d'installar ün seguond deposit sü Munt e da ramassar resp. cumprars culs fits entrats amo ulteriuras schlitras,

quai per pudair garantir quista sporta attractiva ad uschè bliers giasts ed indigens sco pussibel.

Chi ha üna schlitra – scha pussibel da lain (model «Davoser») – chi nu vain plü dovada e vess interess da tilla regalar o vender? P. pl. s'annunzchar pro la seguainta adressa: Cumün da Scuol, Niculin Meyer, promotur d'economia (081 861 27 30 / n.meyer@scuol.net).

La gruppa da lavur paja tanter 10 e 50 francs per üna schlitra.



Arrandschamaints

Bös-chin / Nadal da scoula 2019

Ils termins as chatta sülla pagina d'internet www.scoula-scuol.ch (nom da la fracziun -> «program da l'on»).

Ftan: Concert d'Advent cumünaivel

Dumengia ils 15 december, 16:00 Baselgia
Cul coro masdà, la società da musica e l's giuvenils da Ftan chi frequentan la scoula da musica. Entrada libra.

Scuol: Sairada d'Advent da l'Uniun dals Grischs

Dumengia, ils 15 december, 17:00 Cafè Cantieni
Preschantaziun dals plü novs prodots (Chalender Ladin 2020, Chasa Paterna «Il talèr» e Dun da Nadal), chant avert cun chanzuns d'Advent, star da cumpagnia cun spagnolettas e grassins.

Bogn Engiadina Scuol: Bazar da Nadal

Gövgia ils 19 december, 14:00 fin 18:00
Bazar cun regals fats a man e prodots regiunals. Stüva da café cun tuortas delizchusas.

Scuol: TavulinPlus, maisa da mezdi per senioras e seniors 64+

Venderdi ils 20 december, 12:00 fin 15:00 Chasa Puntota, sala polivalenta (nouva località!)
Maisa da mezdi pruvada cun davomezdi tematic. Tema: Musica e sot culla Chapella Erni Tschlin/Scuol.

Scuol: Concert da Nadal

Sonda ils 21 december, 20:00 Baselgia refuormada
Concert cumünaivel dal Cor Viril Engiadina Bassa e'l Cor masdà da Scuol, cun intermezzi da la Scoula da musica Engiadina Bassa. Entrada: 15 francs, uffants fin 16 ons gratuit.

Sent: Chant d'Advent pro'ls bügls

Dumengia ils 22 december, 20:15 fin 21:15
Chant cumünaivel pro'ls bügls. Prouva: marcurdi ils 18 december a las 20:15 in chasa da scoula. P. pl. tour cun sai il corral. I nu fa dabsögn da s'annunzchar.

Ftan: Chant tras cumün

Lündeschdi ils 23 december, 19:30
Il cor masdà da Ftan invida a tuottas e tuots da tour part al chant da Nadal tradiziunal. Il gir tras cumün cumainza pro la chasa da scoula. l's chanta impustüt chanzuns d'Advent/da Nadal e corals in lingua rumantscha. Per infurmaziuns: telefon 081 861 88 28

Musikfestival Bündner Barock:

Fö artificial musical 2019
27/28 december 2019 e 1. schner 2020, 18:00 | Ftan, Tschlin, Guarda
Trais concerts pella fin da l'on cun musica barocca (flöta da lain, gamba e cembalo). Davo il gioidimaint musical daja ün apéro riche – ün'occasiun d'imprender a cugnuscher persunalmaing ils interprets. Detagls e pussibilità da s'annunzchar (obligatoric): www.buendnerbarock.ch

Portas avertas a Guarda

Venderdi ils 28 december, 14:00 fin 19:00
Ün inscunter cul cumün e las differentas gestiuns. Chandailas muossan ingio chi'd es da scuvrir alch.

Ardez: Concert in baselgia

Dumengia ils 29 december, 19:00 Baselgia refuormada
Concert da la musica Concordia Ardez. Entrada libra. Davo il concert daja vin chaud davant baselgia, offri da la società da musica.

Ardez: Chant d'Allegrezcha

29 e 30 december, la saira: La Giuventüna d'Ardez fa il gir tradiziunal tras cumün e chanta chanzuns spiritualas veglias.

25 ons «Concerts illa baselgia da Sent»

Sonda ils 4 schner, 17:00 fin 18:15 Baselgia San Lurench
La Società d'Ütil public Sent invida a tuot ils amis e las amias da la musica a lur concert da giubileum. La pianista Alena Cherny e'l «orchester le phénix» sunan concerts da J. S. Bach. Entrada libra, collecta a favur da concerts futurs illa baselgia da Sent

Sent: Sigfried-Martin Schaal expuona

fotografias e figüras
Vernissascha: Sonda als 11 schner, 17:00 fin 19:00 | Grotta da cultura, Schigliana

L'exposiziun düra fin als 7 schner. Ella es averta adüna il mardi e la sonda da las 17:00 fin las 19:00. www.grottadacultura.ch

Sent: Bal da Büman a la veglia

Sonda ils 11 schner, 20:00 fin 2:00 Chasa da scoula
La Grotta da Cultura Sent reactivascha l'üsanza dal Bal da Büman tenor il chalender julian e cun musica populara indigena. Eir trats tradiziunals, il büfè da tuortas legendari e'l vin chod nu mancan. Cumanzar l'on nov fond la trais-cha cullas Chapellas Tasna, Tamangur ed Erni. Entrada: 10/12 francs. www.grottadacultura.ch

Scuol: La Paluotta (mais a mezdi per tuots)

Venderdi ils 17 schner, 12:00 fin 14:00 Pravenda evangelica
Giasts ed indigens da minch'età sun cordialmaing invidats da giodair ün bun menü in ün'atmosfera pruvada. Cuosts: 5 francs per uffants, 8 francs per giuvenils, 10 francs per creschüts. Annunzchar p. pl. fin marcurdi ils 15 schner a mezdi (078 842 61 79)

Scuol: Crescendo – concert cul Rudè da chant Engiadina e bliers oters

Dumengia ils 19 schner 2020, 17:00 Baselgia evangelica
Musica sacrala dal baroc fin al temp romantic. Cun Pasquale Bonfitto, direcziun ed orgel, l'orchester d'instrumentals a corda Sun e Tun (direcziun Gyula Petendi), Rupert Seidl e Hansjörg Graf (trumbetta), Krysztof Galczynski (giun) e Christian Lechthaler (pauca). Entrada: 25 francs per creschüts, uffants gratuit
Ulteriur concert: *Sonda ils 18 schner, 20:00 a San Murezzan, baselgia San Carl.*

Silvester 2019

Aint in mincha fracziun daja occurrenz per tour cumgià dal 2019 e bivgnantar il 2020. Il program detaglià vain publichà sülla pagina d'internet dal cumün www.scuol.net.

Il cumün da Scuol giavüscha a tuot la populaziun ed a tuot ils giasts furtüna e sandà per l'on 2020!

Il Mas-chalch dal cumün da Scuol cumpara üna jada al mais. Ediziuns veglias: www.scuol.net

Prosma ediziun: **23 schner 2020**. Id es pussibel d'annunzchar occurrenz fin **lündeschdi ils 13 schner** pro lingua@scuol.net.

Reglas:

L'occurrenza sto avoir üna tscherta importanza per la generalità (ingünas radunanzas da societats). La redacziun decida s'vess davart la publicaziun e's resalva eir il dret da scurznrir e/o da rediger ils texts inoltrats.

Ils cuosts da la publicaziun surpiglia il cumün da Scuol.